



Broj: 05/2-50-13-28-25/16

Sarajevo, 25.1.2016.

Z A P I S N I K

25. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 25.1.2016., s početkom u 17 sati.

Prisutni članovi Odbora za žalbe građana: Vjekoslav Vuković, predsjednik, Borislav Radić, drugi zamjenik predsjednika, Tihomir Marinčić, Negosava Stjepanović, Aleksandra Martinović i Semir Šut.

Odsutni članovi Odbora za žalbe građana: Bakir Dautbašić, prvi zamjenik predsjednika.

Ostali prisutni: Mladen Bjelaković i Zoran Savić iz Direkcije za koordinaciju policijskih tijela BiH, Alma Tajić-Kurto, sekretarka Odbora za žalbe građana, i Zoran Brkić iz Sektora za odnose s javnošću Sekretarijata Parlamentarne skupštine BiH.

Predstavnici Granične policije BiH, iako im je uredno dostavljen poziv za sjednicu, nisu prisustvovali.

Sjednicu je sazvao i njome predsjedavao Vjekoslav Vuković, predsjednik Odbora za žalbe građana.

Za sjednicu je predložen sljedeći

D N E V N I R E D

1. Usvajanje Zapisnika 24. sjednice Odbora za žalbe građana Parlamentarne skupštine BiH;
2. Razmatranje žalbe na rad policijskog službenika Direkcije za koordinaciju policijskih tijela BiH, broj: 05/2-50-17-70-45/15, od 24.8.2015., i Izvještaja Direkcije, broj: 20-02/1-07-6-1423-10/15, od 18.12.2015.;
3. Razmatranje žalbi na rad policijskih službenika Granične policije BiH:
 - a) žalba broj: 05/2-50-17-70-4/15, od 22.1.2015., i dokumentacija Granične policije BiH, broj: 17-07-34-7-191/15¹, od 11.1.2016., dostavljena po Zaključku Odbora, broj: 05/-50-13-28-15,1/15, od 8.5.2015.,
 - b) žalba broj: 05/2-50-17-70-24/15, od 9.9.2015., i Izvještaj o novom internom postupku Granične policije BiH, broj: 17-07-34-4-3236/15, od 21.12.2015.²,

¹ Veza broj: 05/2-50-17-195-2/16

² Veza: Zaključak Odbora za žalbe građana, broj: 05/2-50-13-28-20,2/15, od 27.8.2015.

- c) žalba broj: 05/2-50-17-70-51/15, od 2.9.2015., i Izvještaj o izvršenim preliminarnim provjerama Granične policije BiH, broj: 17-07-34-7-3278/15, od 14.12.2015.,
 - d) žalba broj: 05/2-50-17-70-63/15, od 20.11.2015., i Informacija Granične policije BiH, broj: 17-07-34-7-4292/15, od 11.12.2015.,
 - e) žalba broj: 05/2-50-17-70-67/15, od 7.12.2015., i Izvještaj o izvršenim preliminarnim provjerama Granične policije BiH, broj: 17-07-34-7-4513/15, od 14.12.2015.;
4. Razmatranje Prijedloga izvještaja o radu Odbora za žalbe građana Parlamentarne skupštine BiH za 2015. godinu;
 5. Razmatranje Prijedloga informacije o posjeti jedinicama Granične policije BiH, broj: 05/2-50-19-1356/15, od 1.12.2015.;
 6. Tekuća pitanja:
 - a) Obavještenje Granične policije BiH, broj: 17-07-34-7-2837/15, od 11.1.2016., u vezi sa izvršenjem zaključka s 23. sjednice Odbora za žalbe građana koji se odnosi na predmet V.Ž., broj: 05/2-50-17-70-40/15,
 - b) Obavještenje Državne agencije za istrage i zaštitu BiH, broj: 16-08-34-3-9470-2/15, od 29.12.2015., u vezi s predmetom po žalbi R.S., broj: 05/2-50-17-70-1/15.

Vjekoslav Vuković predložio je dopunu dnevnog reda, i to da se u okviru tekućih pitanja pod tačkom c) razmatra Plan rada Odbora za žalbe građana Parlamentarne skupštine BiH za 2016.

Dnevni red usvojen je jednoglasno, uz predloženu dopunu Vjekoslava Vukovića.

Ad.1. Usvajanje Zapisnika 24. sjednice Odbora za žalbe građana Parlamentarne skupštine BiH

Zapisnik 24. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

Ad.2. Razmatranje žalbe na rad policijskog službenika Direkcije za koordinaciju policijskih tijela BiH, broj: 05/2-50-17-70-45/15, od 24.8.2015., i Izvještaja Direkcije, broj: 20-02/1-07-6-1423-10/15, od 18.12.2015.

Tihomir Marinčić, izvjestilac u ovom predmetu, prezentirao je činjenice iz spisa, pri čemu je naglasio da je nejasno zbog čega je Policijska uprava Kreševo izdala prekršajni nalog sedam mjeseci nakon što se evidentirani saobraćajni udes desio.

Izvještaj Direkcije za koordinaciju policijskih tijela BiH prezentirao je Zoran Savić koji je u svom izlaganju istakao da je predmetno pitanje u nadležnosti MUP-a Srednjobosanskog kantona.

Odbor za žalbe građana jednoglasno je usvojio Izvještaj Direkcije za koordinaciju policijskih tijela BiH, broj: 05/2-50-17-70-45/15, od 24.8.2015., te se usaglasio da se od MUP-a

Srednjobosanskog kantona zatraži informacija zbog čega je prekršajni nalog policijskom službeniku B.Ž. izdat sedam (7) mjeseci nakon što se navodna saobraćajna nezgoda desila.

Naime, u Izvještaju Direkcije konstatirano je da se predmetni događaj desio 19.2.2015, dok je prekršajni nalog PU Kreševo izdala 11.9.2015.

Ad.3. Razmatranje žalbi na rad policijskih službenika Granične policije BiH:

- a) žalba broj: 05/2-50-17-70-4/15, od 22.1.2015., i dokumentacija Granične policije BiH, broj: 17-07-34-7-191/15, od 11.1.2016., dostavljena po Zaključku Odbora, broj: 05/-50-13-28-15,1/15, od 8.5.2015.
- b) žalba broj: 05/2-50-17-70-24/15, od 9.9.2015., i Izvještaj o novom internom postupku Granične policije BiH, broj: 17-07-34-4-3236/15, od 21.12.2015.
- c) žalba broj: 05/2-50-17-70-51/15, od 2.9.2015., i Izvještaj o izvršenim preliminarnim provjerama Granične policije BiH, broj: 17-07-34-7-3278/15, od 14.12.2015.
- d) žalba broj: 05/2-50-17-70-63/15, od 20.11.2015., i Informacija Granične policije BiH, broj: 17-07-34-7-4292/15, od 11.12.2015.
- e) žalba broj: 05/2-50-17-70-67/15, od 7.12.2015., i Izvještaj o izvršenim preliminarnim provjerama Granične policije BiH, broj: 17-07-34-7-4513/15, od 14.12.2015.

U okviru ove tačke dnevnog reda Odbor za žalbe građana razmatrao je pet žalbi na rad policijskih službenika Granične policije BiH i izvještaje o izvršenim preliminarnim provjerama po žalbama, i to:

- a) žalba broj: 05/2-50-17-70-4/15, od 22.1.2015., i dokumentacija Granične policije BiH, broj: 17-07-34-7-191/15, od 11.1.2016., dostavljena po Zaključku Odbora, broj: 05/-50-13-28-15,1/15, od 8.5.2015.

Aleksandra Martinović, izvjestiteljica u ovom predmetu, prezentirala je činjenice iz spisa. Odbor za žalbe građana Parlamentarne skupštine BiH primio je k znanju dostavljenu dokumentaciju, uz konstataciju da je Granična policija BiH prikupila sve dostupne informacije u vezi s predmetnim događajem po žalbi G.O.

S obzirom na to da, na osnovu raspoloživih informacija i dokaza, nije utvrđeno da su u predmetnom događaju učestvovali policijski službenici Granične policije BiH, Odbor za žalbe građana poziva Graničnu policiju BiH da, u slučaju pojave novih dokaza ili informacija u ovom predmetu, postupi po njima i o tome izvijesti Odbor.

- b) žalba broj: 05/2-50-17-70-24/15, od 9.9.2015., i Izvještaj o novom internom postupku Granične policije BiH, broj: 17-07-34-4-3236/15, od 21.12.2015.

Za izvjestioca u ovom predmetu određen je Vjekoslav Vuković koji je prezentirao nove činjenice u vezi sa žalbom J.L, a koja je podnesena na ponašanje policijskog službenika Š.E.

Odbor za žalbe građana Parlamentarne skupštine BiH jednoglasno je usvojio Izvještaj o obavljenim preliminarnim provjerama Granične policije BiH, broj: 17-07-34-4-3236/15, od 21.12.2015.

Kako je u navedenom izvještaju utvrđeno da je bilo kršenja službene dužnosti u postupanju policijskog službenika Granične policije BiH E.Š., te da je protiv njega upućen prijedlog za pokretanje disciplinskog postupka, Odbor za žalbe građana obavezuje Graničnu policiju BiH da ga po okončanju postupaka izvijesti o njegovom ishodu.

Također, u slučaju nastupanja novih okolnosti u vezi s predmetom Š.E., kao što je podizanje i potvrđivanje optužnice, obavezuje se Granična policija BiH da o tim činjenicama izvijesti Odbor.

c) žalba broj: 05/2-50-17-70-51/15, od 2.9.2015., i Izvještaj o izvršenim preliminarnim provjerama Granične policije BiH, broj: 17-07-34-7-3278/15, od 14.12.2015.

Izvjestiteljica u ovom predmetu bila je Negosava Stjepanović koja je prezentirala činjenice iz spisa.

Odbor za žalbe građana Parlamentarne skupštine BiH jednoglasno je usvojio Izvještaj o obavljenim preliminarnim provjerama Granične policije BiH, broj: 17-07-34-7-3278/15, od 14.12.2015., i zaključak da u postupanju policijskog službenika Granične policije BiH u ovom predmetu nisu utvrđene nepravilnosti niti povrede relevantnih zakona.

d) žalba broj: 05/2-50-17-70-63/15, od 20.11.2015., i Informacija Granične policije BiH, broj: 17-07-34-7-4292/15, od 11.12.2015.

Semir Šut, izvjestilac u ovom predmetu, upoznao je prisutne sa sadržajem žalbe i ujedno je prezentirao Informaciju Granične policije BiH.

Odbor za žalbe građana Parlamentarne skupštine BiH primio je k znanju Informaciju Granične policije BiH, broj: 17-07-34-7-4292/15, od 11.12.2015.

e) žalba broj: 05/2-50-17-70-67/15, od 7.12.2015., i Izvještaj o izvršenim preliminarnim provjerama Granične policije BiH, broj: 17-07-34-7-4513/15, od 14.12.2015.

Za izvjestioca u ovom predmetu određen je Borislav Radić koji je prezentirao činjenice iz spisa.

Odbor za žalbe građana Parlamentarne skupštine BiH jednoglasno je usvojio Izvještaj o obavljenim preliminarnim provjerama Granične policije BiH, broj: 17-07-34-7-4513/15, od 14.12.2015.

U vezi s ovim predmetom, Odbor za žalbe građana traži od Granične policije BiH da policijskim službenicima skrene pažnju na izbjegavanje nepotrebnog fizičkog kontakta s građanima, te na obavezu dosljednog poštivanja etičkog kodeksa i pravila službe.

Ad.4. Razmatranje Prijedloga izvještaja o radu Odbora za žalbe građana Parlamentarne skupštine BiH za 2015. godinu

Odbor za žalbe građana je, u skladu s članom 15. stav (1) tačka f) i članom 19. stav (1) tačka d) Zakona o nezavisnim i nadzornim tijelima policijske strukture Bosne i Hercegovine, te članom 4. stav (1) tačka f) i članom 5. tačka f) Poslovnika o radu Odbora za žalbe građana Parlamentarne skupštine BiH, usvojio Izvještaj o radu Odbora za žalbe građana za 2015. godinu, te ga dostavlja Parlamentarnoj skupštini BiH na usvajanje.

Ad.5. Razmatranje Prijedloga informacije o posjeti jedinicama Granične policije BiH, broj: 05/2-50-19-1356/15, od 1.12.2015.

U okviru ove tačke dnevnog reda Vjekoslav Vuković upoznao je prisutne da je, u skladu sa stavom Odbora s 24. sjednice, Granična policija BiH aktom broj: 17-07-04-3-4032/15, od 4.1.2016., dostavila svoju saglasnost na Nacrt informacije o posjeti jedinicama Granične policije BiH.

Odbor za žalbe građana jednoglasno je usvojio Informaciju o posjeti jedinicama Granične policije BiH.

Također, Odbor se usaglasio da se ova informacija dostavi Upravi za indirektno oporezivanje na znanje i nadležno postupanje.

Ad.6. Tekuća pitanja:

- a) Obavještenje Granične policije BiH, broj: 17-07-34-7-2837/15, od 11.1.2016., u vezi sa izvršenjem zaključka s 23. sjednice Odbora za žalbe građana koji se odnosi na predmet V.Ž., broj: 05/2-50-17-70-40/15**
- b) Obavještenje Državne agencije za istrage i zaštitu BiH, broj: 16-08-34-3-9470-2/15, od 29.12.2015., u vezi s predmetom po žalbi R.S., broj: 05/2-50-17-70-1/15**
- c) Plan rada Odbora za žalbe građana Parlamentarne skupštine BiH za 2016. godinu**

U okviru ove tačke dnevnog reda Odbor za žalbe građana primo je k znanju obavještenja pod tačkama a) i b).

Odbor za žalbe građana jednoglasno je usvojio i Plan rada za 2016. godinu

Sjednica je završena u 18,50 sati.

Sekretarka
Odbora za žalbe građana
Alma Tajić-Kurto

Predsjednik
Odbora za žalbe građana
dr. sc. Vjekoslav Vuković